

– Ֆարիատ, քանի որ առաջ տեսայ, մի գիւղացու կապած, ծեծում էին նրա համար, որ չէր գնացել խանի համար ձրի բանելու: Խեղճը իր ընտանիքի միակ աշխատող մարդն է, եթէ նա միշտ խանի համար ձրի բանէ, էլ ո՞վ կը կերակրէ նրա երեխաները: Ֆարիատ, հէնց որ տեսայ, սիրտս այրոեց, էլ չկարողացայ արտասուքս պահել...

Ահա այսպէս, միշտ գիւղացիներ, միշտ գիւղացիների մասին եր խօսում նա: Ես մտածում էի, թէ խեղճ տղան ցնորոել է. նրան ի՞նչ փոյթ, որ գիւղացիները ուտելու հաց չունեն կամ նրանց տանջում են: Լաւ չէ՞, ասում էի, որ իր փորի համար մտածէ. ինքը անելի բախտաւոր չէ այն թշուառներից, որոնք գիշերները սոված են պառկում:

Ի հարկէ, այդ մեծ փոփոխութիւն եր Կարոյի բնաւորութեան մէջ: Նա առաջ սովորութիւն ուներ խօսել Քորոլլիի, Ռուստամի, Չալի եւ դրանց նման հերոսների մասին, որոնց պատմութիւնը լսել եր աշուղների վէպերի մէջ, – կամ խօսում եր գեղեցիկ աղջիկների վրայ եւ ծաղրում եր նրանց այս եւ այն թուլութիւնները: Յանկարծ բոլորը մոռացաւ նա, սկսեց գիւղացիների մասին խօսել, նրանց վրայ մտածել: Ո՞վ մտցրեց նրա մէջ այդ ցնորքը: – Ես չգիտեի, միայն Ասլանը վերաբերում եր որսորդ Աւոյին:

ԺԱ. ՂԱՐԱ-ՄԵԼԻՔՆԵՐԻ ԸՆՏԱՆԻՔԸ

Մի անգամ Կարօն ինձ ասաց. – Ֆարիատ, տատս շատ հիւանդ է, ես մենակ եմ, գնանք մեր տուն, այս գիշեր մեզ մօտ կացի՛ր:

Ես գնացի: Կարոյենց բնակարանը շատ հեռու չէր մեր տնից: Ես գտայ Չումրուդին, արդարեւ, ծանր հիւանդութեան մէջ. խեղճ կնոջ միայն մորթն ու ոսկորն եր մնացել. շունչը հազիւ ելումուտ եր անում: Երբ մեզ տեսաւ նա, փոքր-ինչ հոգի առաւ, խնդրեց գլուխը վեր բարձրացնել եւ բարձերը նեցուկ տալ մէջքին, որ կարողանայ նստել: Կարօն կատարեց նրա ցանկութիւնը: Չնոցի մէջ վառւում էին մի քանի կտոր փայտեր, եւ կարմիր լոյսը ծաւալւելով փոքրիկ խրճիթի մէջ, լուսաւորում եր հիւանդի մաշոած, դալկացած դէմքը:

Չիւանդը կանչեց Կարոյին, նստեցրեց իր մօտ, եւ նրա ձեռքը առնելով իր ոսկրացած ափի մէջ, ասաց թոյլ եւ դողդոջուն ձայնով.

– Ես մեռնում եմ, Կարօ, քանի որ բերանս փակոած չէ, թող լեզուս բաց անէ քեզ այն գաղտնիքը, որ այսքան տարի ծածուկ եր պահուած:

Նա պատմեց, թէ ինքը Կարոյի ոչ տատն է, ոչ նրա ազգականը, այլ սկզբում Կարոյի հօր տան աղախինն է եղել, իսկ յետոյ դարձաւ նրա դայակը: